

Headline	Medan letak kereta bakal dihapus		
MediaTitle	Utusan Malaysia		
Date	25 Sep 2013	Color	Full Color
Section	Dlm Negeri	Circulation	197,952
Page No	27	Readership	833,287
Language	Malay	ArticleSize	349 cm ²
Journalist	kota@utusangroup.com.my	AdValue	RM 6,898
Frequency	Daily	PR Value	RM 20,693



Warga kota digalak guna pengangkutan awam, jalan kaki

Medan letak kereta bakal dihapus

OLEH SITI AINIZA KAMSARI

kota@utusangroup.com.my

KUALA LUMPUR 24 Sept. – Medan atau kawasan letak kereta jenis terbuka, tidak akan wujud lagi di ibu negara menjelang 2016.

Datuk Bandar, Datuk Seri Ahmad Phesal Talib berkata, keputusan untuk tidak membenarkan lagi perkhidmatan medan letak kereta bermula tahun itu adalah seiring dengan matlamat untuk menggalakkan warga kota menggunakan pengangkutan awam dan berjalan kaki.

“Setelah bermesyuarat OSC (pusat setempat) pagi tadi, kami mengambil keputusan ke arah tersebut setelah kali terakhir kajian dilakukan pada tahun 1970 yang ketika itu meletakkan nisbah kenderaan di Kuala Lumpur adalah 40:60, iaitu 40 peratus kenderaan awam dan 60 peratus kenderaan persendirian.

“Tetapi menjelang tahun 2016 dan 2017, dengan siapnya semua stesen Projek MRT Hubungan Sungai Buloh-Kajang, dijangka Kuala Lumpur tidak memerlukan lagi sebarang medan dan petak letak kereta.

“Sebarang bangunan dan kawasan premis yang jaraknya hanya 200 meter dari mana-mana stesen MRT tersebut tidak perlu mengadakan medan letak kereta.

“Kita sangat menggalakkan budaya berjalan kaki kepada warga Kuala Lumpur dengan dijangka projek sambungan laluan pejalan kaki antara bangunan juga telah siap di samping kemudahan pengangkutan awam jenis lain juga adalah pada tahap maksimum ketika itu,” katanya.

Beliau berkata demikian dalam sidang akhbar selepas merasmikan seminar antarabangsa kelima ‘World Class Sustainable Cities 2013’ (WCSC) yang bertemakan ‘Liveable Cities Are Creative & Competitive Cities’ di Hotel Mandarin Oriental, di sini hari ini.

Seminar itu dianjurkan oleh Sime Darby Property Berhad bersama Persatuan Pernajuh Hartanah dan Pe-

rumahan (REHDA) Wilayah Persekutuan, Pertubuhan Perancang Malaysia (MIP) dan Pertubuhan Arkitek Malaysia (PAM).

Seminar itu dihadiri 600 peserta dari pelbagai sektor dan latar belakang.

Turut hadir Penggerusi REHDA Wilayah Persekutuan, Tan Ching Meng; Presiden MIP, Md. Nazri Mohd. Noordin; dan Presiden PAM, Ar. Chan Seong Aun.

Dalam ucapan perasmianya, Ahmad Phesal berharap semua pihak akan belajar dan mengambil pengalaman dari bandar-bandar besar di dunia supaya segala yang menjadi amalan pembangunan dan kemajuan mereka dapat diperaktis dan diterapkan di Kuala Lumpur.

Katanya lagi, Kuala Lumpur sendiri akan mempunyai keunikan tersendiri yang antaranya bakal mempunyai 14 jenis taman hijau dan rekreasi pelbagai tema yang mendapat kerjasama sepenuhnya dari pihak Institut Penyelidikan Hutan Malaysia (FRIM).

Headline	Medan letak kereta bakal dihapus		
MediaTitle	Utusan Malaysia		
Date	25 Sep 2013	Color	Full Color
Section	Dlm Negeri	Circulation	197,952
Page No	27	Readership	833,287
Language	Malay	ArticleSize	349 cm²
Journalist	kota@utusangroup.com.my	AdValue	RM 6,898
Frequency	Daily	PR Value	RM 20,693



AHMAD Phesal Talib (belakang lima dari kiri) bersama pemenang pertandingan fotografi sempena seminar antarabangsa WCSC di Kuala Lumpur semalam. – UTUSAN/ABDUL RAZAK LATIF